

延祐四明志

提要

臣等謹案延祐四明志二十卷元袁楠撰楠字伯長慶元人朱知樞密院事韶之曾孫少為麗澤書院山長以薦改翰林國史院檢閱官累遷侍講學士卒贈江浙行省叅知政事追封陳留郡公謚文清事蹟具元史本傳楠文章博贍為一時臺閣之冠所著易說春秋

延祐四明志

提要

諸書見于蘇爵墓誌銘者世久無傳惟清容居士集及此志尚存尚成于延祐七年蓋慶元路總管馬澤屬楠撰次者也凡分十二考曰沿革曰土風曰職官曰人物曰山川曰城邑曰河渠曰賦役曰學校曰祠祀曰釋道曰集古條例簡明最有體要楠先世在宋多以文學知名稱東南故家遺獻沒後會朝廷修史遣使求郡國軼文故事惟袁氏所傳為多

故其于鄉邦舊典尤多貫串志中考核精審
不支不濫頗有良史之風視至元嘉禾至正
無錫諸志更為賅洽惟自第九卷至第十一
卷為傳寫者所脫佚已非全帙然元明地志
鈔帙無多存之亦足以資考究固未可以不
完廢也乾隆五十一年四月恭板上

延祐四明志

卷一

沿革攷

元 袁楠 撰

詩書紀明堂社稷田制與周官殊後雖旁曲傳會卒不相似何邪或曰周官太平書也周公嘗行之周紀歷八百是果無改更邪繇秦至宋率數十年輒易矣郡縣城邑廢徙率無常所陵谷變易然也且兼以人事其理若

延祐四明志 卷一

是作沿革攷

句章鄞為越舊名

國語曰句踐之地南至句無北至于禦兒東至于鄞西至于姑蔑又曰

其達至于甬句東章昭曰今句東東澆口外州宋景文公補音州與洲同越語注曰甬甬江句章也晉孫思寇澆口入餘姚通典云明州東北到大海秦平越始皇澆口七十里輿地廣記定海縣有大澆江

二十五年以吳越地為會稽郡治吳漢地志會稽所部

郡縣二十六上應牽牛之宿下當少陽之位今屬明者

曰句章曰鄞曰鄮則鄞立縣繇秦來久矣

車茂安言秦始皇留鄞縣

三十餘日景帝四年吳江濞反誅復為郡治於吳元鼎五年



除東越因以其地為治并屬於此而立東部都尉後徙
章安陽朔元年又徙治鄞或有寇害復徙句章後漢晉
宋齊梁皆因之隋平陳併餘姚鄞鄮三縣入句章隸吳
州後改越州仍隸焉王象之按隋志有餘姚縣而輿地廣記於餘姚縣下註云折故句章縣置以縣置入句章唐至於餘姚縣下註云折故句章縣置以縣置姚州則隋志之所謂餘姚縣下註云折故句章縣置以縣置地既割餘姚隸越州也鄞以莖得名加邑為鄞羅愿云醬又為明州之全境也可食之菜也郭云今莖菜葉如柳子如米泔食之滑本草唐本注云此菜野生非人所種俗謂之莖菜葉似葳花紫草色本草云莖汁味甘說者以為莖苦而言甘者古人語甘草謂之大苦也觀綿之詩言沮漆之間上地

延祐四明志卷一

肥美則曰周原膳也莖茶如飴莖茶皆苦菜也地既饒美其所生菜雖有性苦者皆甘如飴則此地皆可居矣是莖得地味亦甘也內則枣栗飴蜜以甘之莖萱粉楡兔蕘滑澆以滑之脂膏以膏之言養老者懼其腸澀故用此物調和飲食莖亦莖類冬用莖夏莖廣雅曰夏莖秋莖滑如粉是也士虞禮則曰夏用莖冬用莖鄭注云莖莖類也乾則滑夏秋用生莖冬春用乾莖此蓋隨文解之故不同嚴氏曰詩註孔氏謂莖即烏頭引驪姬置莖於肉蓋以莖為爾雅芡莖之莖也如此則與鴆毒同與莖茶可食之物非其類矣按地志有赤莖山乾道舊志在東鄞易也亦加邑焉物產於山下鄞易因其海中四十里

唐武德四年析句章縣立鄞州八年州廢更置鄞縣
隸越州開元二十六年採訪使齊澣奏以鄞縣為明

州以其境內山四明為名領縣四曰鄞曰奉化慈溪翁
山天寶初改為餘姚郡肅宗至德二年復為明州長慶
元年刺史韓察欲移州城以白浙東觀察使薛戎上言
明州北臨鄞江地形卑益請移明州置於鄞縣而以州
之舊城近南高處置縣從之見唐會要州初置時領縣
四曰鄞州翁山曰奉化曰慈溪要不出秦三縣之境雖
郡號餘姚而餘姚縣仍隸越州廣德二年益以象山縣
大曆六年省翁山海塘舊置望海鎮元和十四十從薛

延祐四明志 卷一

三

臣鎮服海口遂立浙東都元帥府即舊府治為之至元
十五年以昌國陞州元貞元年奉化縣以戶口及格陞
為下州

辨證

唐武德元年改郡為州太守為刺史權置州郡頗多太
宗命省分為十道開元二十一年分為十五道天寶元
年以州為郡刺史為太守至德二載復以郡為州太守復
為刺史今按開元始置明州則曰明州刺史天寶以

州為郡則曰餘姚郡太守志云置州之時名郡曰奉化以備封爵一州豈有兩郡名哉圖經開元為開元郡名奉化天寶元年改為餘姚郡未詳所據元豐九域志始曰奉化郡未知何時改辨州郡

唐志明州餘姚郡以境有四明山為明山海經瞿父山又東四百里曰句餘之山郭璞注山在餘姚南句章北二縣因以名州曰明郡曰餘姚皆本於句餘山虞氏餘姚人九域志晉虞喜陳虞荔墳在慈溪鳴鶴山辨餘姚郡

延祐四明志卷二

五

鄞縣東有鄞郭古鄞縣城地漢地理志會稽郡鄞縣姓苑有鄞氏蓋以邑為氏五代改鄞曰鄞圖經云唐有鄞縣非也地理志無鄞陸雲集秦始皇南巡登稽嶽在鄞縣三十餘日圖經云後漢改鄞為鄞山之陰既而復為鄞非也西漢已有鄞辨鄞

越語勾踐之地東至于鄞韋昭注今鄞縣是也後漢書注鄞故城在鄞縣東南圖經曰白杜里有鄞城山漢志鄞有鮎埼亭今在奉化有天門山今象山之東門山然

則奉化象山二縣漢之鄞也鄞城山其古鄞城歟今鄞縣有鄞塘鄉接奉化蓋鄞之境四皓黃公鄞大里人世說註孫承公性好山水求鄞縣遺心細務縱意游肆名阜勝丘靡不歷覽

句章九域志云因山為名戰國策有句章味蓋以邑為氏漢伐東粵遣橫海將軍韓說出句章浮海從東方往史記正義句章故城在鄞鄞縣西一百里此張守節以開元之鄞言之元和郡志句章故城在今州西一里此

延祐四明志卷

六

李吉甫以元和之明州言之後漢注與史記正義同圖經古句章城在鄞縣南六十里此今之地里也虞翻傳注句章董黯則慈溪乃漢句章之地晉劉牢之東屯上虞使劉裕戍句章今鄞縣有句章鄉蓋自此鄉及慈溪皆句章境古句章城在小溪鎮

辨句章

左傳越滅吳請使吳王居甬東注句章縣東海中州也吳語云甬東注今句章東海外洲也越註注云甬甬江句章也晉孫恩寇浹口八餘姚破上虞通典云越

徒夫差於甬東韋昭曰即句章東決口外洲明州東北
到大海決口七十里今按甬東決口即定海縣之決港
輿地廣記定海有大決江今以城東為甬東誤矣決口
外洲即翁州也郡志有甬東為昌國蓋本於元和郡縣
志昌國乃唐之翁山縣乃熙寧六年析鄞縣置豈亦句
章地歟

本路

東至海岸一百四里自海岸二百五十里方出海洋志

延祐四明志卷一

七

石馬山凡兩潮約六百里為本路之界

西至本路界一百二十里以慈溪縣之西金川鄉桐下
浦為界自界首至紹興路一百九十五里

南至本路界一百四十六里以奉化南松林鄉柵堰嶺
海為界自界首至台州路二百四十里

北至海岸六十二里自海岸至蘇州洋二百二十里其
分界處係大海即無地里相距自界首至平江府一千
五百里

東南^到海岸一百十二里自海岸汎大海八百三十八里
至海中鋸門山為本路之界

西南到本路界一百二十六里以奉化州松林鄉杉木
嶺為界自界首至台州寧海縣七十里

東北到海岸七十二里自海岸汎大海一千二十八里
為本路之界

西北到本路一百五里以慈溪縣鳴鶴鄉雙河為界自
界首至紹興路二百五十五里

延祐四明志卷二

八

鄞縣境上

東距西六十五里

南距北五十七里

東南距西北一百二十五里

西南距東北二百一十五里

東至縣界三十五里以陽堂鄉育王寺山隴東河頭鋪
為界自界首至定海縣三十五里

西至縣界三十五里桃源鄉潘興嶺為界自界首至慈

溪縣三十里

南至縣界五十一里以鄞塘鄉傅甯河為界自界首至奉化州三十五里

北至縣界一十五里以老界鄉陳渡橋鋪為界自界首至定海縣五十里

東南到縣界九十里以豐樂鄉金莪山嶺為界自界首至奉化州六十里

西南到縣界一百七十四里以通遠鄉梅山嶺為界自

延祐回明志

卷一

九

界首至紹興路餘姚州一百二十里

東北到縣界四十一里以老界鄉褚浦堰為界自界首至定海縣三十五里

西北到縣界三十五里以清道鄉西渡江心為界自界首至慈溪縣一十五里

奉化州境上

東西一百七十里

南北一百五里

東至鄞縣界七十里以藤嶺并道陳嶺為界自界首至
鄞縣五十里

西至紹興路嵎縣界一百里以陸照嶺為界自界首至
嵎縣一百四十里

南至台州寧海^縣界六十里以柵墟嶺為界自界首至寧
海縣六十五里

北至鄞縣界四十五里以北渡大江為界自界首至鄞
縣三十五里

延祐回明志 卷

十

東南到象山縣界以鄞港中流白石山南港為界陸路
再折海計五百七十里自界首至象山縣二百四十五
里

西南到台州寧海縣界五十里以杉木嶺為界自界首
至寧海縣七十里

東北到鄞縣界六十里以金峩嶺為界自界首至鄞縣
八十四里

西北到紹興路嵎縣界一百二十里以箬坑嶺為界自

界首至嶧縣一百三十里

昌國州境上

東西五百里

南北三百里

西南至本路三百五里

東五潮至西莊石馬山與高麗國分界

南五潮至龍嶼與象山縣分界

西一潮至蛟門山與定縣海分界

延祐四明志

卷

北五潮至大磧山與平江路分界

東南三潮至韭山與象山縣分界

西南二潮至三山與定海縣分界

東北五潮至神前壁下與海州分界

西北三潮至灘山與嘉興路分界

慈溪縣境上

東西一百里

南北九十里

東至定海縣界六十里以梅林涇及雙橋鷓鴣浦為界
西至紹興路餘姚州界八十里以桐下湖從浦至大江
為界

南至鄞縣界三十里以鍾乳山及潘嶼嶺孤兒崗為界
北至嘉興路海鹽州界六十里以大海岸中桑嶼并黃
牛山為界

東南到鄞縣界一十五里以西渡江心為界自界首至
本路三十五里

延祐回明志

卷一

十一

東北到定海縣界六十里以鴈門嶺為界

西至^南到紹興路餘姚州界一百里以楊溪村及高巖并
石門山為界

西北到紹興路餘姚州界八十里以上林鄉為界

定海縣境上

東西三百九十里

南北二百五十七里

東至昌國州界以本縣崇丘鄉青山嶼接海面號鮫門

山為界縣東至海岸至鮫門山岸至鮫門山約半潮折
三十七里計四十里自界首至昌國州約一潮計二百
里
西至鄞縣界五十里以本縣清泉鄉西陳渡浦橋北為
界自界首至鄞縣十五里

南至鄞縣界三十五里以本縣靈巖鄉河頭鋪育王山
壠為界自界首至鄞縣三十五里

北至本縣岸二里即是海面直連至平江路海洋為界

延祐四明志

卷一

十三

東至鄞縣界八十里以東殊山為界

西至台州寧海縣一百里以磕蒼山脊為界

南至台州寧海縣界一百九十里以秋盧門海港為界
北至鄞縣界一十五里以嶼山為界

東南到海六十里

西南到台州寧海縣界一百十五里以漁溪海港磕蒼
山脊為界

東北到鄞縣界四十里以鄞港及中流及翁山為界

西北到奉化州界二百四十五里以鄞港中白石山為界

土風攷

漢地理言揚為輕揚槩言之也吳地繇會稽抵臨淮水早異宜禹貢任土曷嘗風俗言哉浙東七州習俗各殊陸士龍書王先生七觀盡矣止矣不得踰越也作土風攷

陸士龍答車茂安書

延祐四明志

卷一

十五

雲白前書未報重得來况知賢甥石季甫嘗屈鄮令尊堂憂灼賢姊涕泣上下愁勞舉家慘感何可爾耶輒為足下具說鄮縣土地之快非徒浮言華艷而已皆有實徵也縣去郡治不出三日直東而出水陸並通西有大湖廣縱千頃北有名山南有林澤東臨巨海往來無涯况船長驅一舉千里北接青徐東洞交廣海物惟錯不可稱名過長川以為陂燔茂草以為田火耕水種不煩人力決泄任意高下在心舉鋪成雲下鋪成雨既浸既

潤隨時代序官無通滯之穀民無飢乏之慮衣食常充
倉庫恒實榮辱既明禮節甚備為君甚簡為民亦易季
冬之月牧既畢嚴霜墮而蕪葭萎林鳥祭而爵羅設因
民所欲順時游獵結罝繞堽密罔彌山放鷹走犬弓弩
亂發鳥不得飛獸不得逸真光赫之觀盤戲之至樂也
若乃斷過海浦隔截曲隈隨潮進退採蚌捕魚鱸鮪赤
尾鰕齒此目不可紀名鱸鰠鯪炙鯿鯪丞石首臠鱖蟹
真東海之俊味肴膳之至妙也及其蚌蛤之屬目所希

延祐四明志

卷一

六

見耳所不聞品類數百難可盡言也昔秦始皇至尊至
貴前臨終南退燕阿房離宮別館隨意所居沉綸經渭
飲馬昆明四方其鹿天下珍玩無所不有猶以不如吳
會也鄉東觀滄海遂御六軍南巡狩登稽嶽刻文石身
在鄞縣三十餘日夫以帝王之尊不憚爾行季甫年少
受命牧民武城之歌足以興化桑弧蓬矢丈夫之志經
營四方古人所嘆何足憂乎且彼吏民恭謹篤慎敬愛
官長鞭扑不施教教風靡漢吳以來臨此縣者無不遷變

尊大夫賢姊上下當為喜慶歌舞相送勿為慮也足下
急啟喻寬慰真說此意吾不虛言也傳及不一一陸雲
白

車茂安荅書

永白即日得報披省未竟懽喜踊躍輒於母前伏讀三
周舉家大小豁然忘愁也足下此書足為典誥雖山海
經異物志二京三都殆不復過也忠有其言無其事耳
雖爾猶足息號泣懽怍笑也府君入後月當西出足下

延祐四明志

卷一

七

可豫至界上吾欲先一日與卿相見也荅不復多車永
白

王深寧先生四明七觀

東野先生歿光環堵根極深寧慕白賁以息影玩素履
以洗心有南州公子儼然踏門言曰切懷太史公之志
廣摭四方之恢愜悞怪升高能賦山川能說庶幾一二
於君子之九能

詩定之方中傳建邦能命龜田能施命作器能銘使

能造命升高能賦師旅能誓山川能說喪紀能紀祭
祀能語君子能此九者可為有德可以為大夫也能
叶奴代切

今至是邦也願啟我以偉觀博我以竒槩先生曰余卧
游詩書之圃跡不踰几席敢誦舊聞吾子自擇焉昔嘗
窺宛委之簡見神禹之山經

吳越春秋禹東巡登衡嶽夢見赤綉衣男自稱玄夷
蒼水使者謂禹曰欲得我山書者齋於黃帝之嶽禹

延祐四明志

卷一

六

退齋三日登宛委山發石得金簡玉字言治水之要
山海經十二篇相傳為夏禹所記

東有山曰句餘實維四明南餘姚北句章二縣以為名
山海經南山經又東四百里曰句餘之山注今在餘
姚南句章北二縣因此為名九域志四明山句餘山
為二以地理攷之其實一也

即山氏州倣自開元之盛

叶音成唐地理志江南名山四明其一也明州開元

二十六年採訪使齊翰奏以越州之鄞縣置以其境
有四明山名之

其山嵒嶭巖從鎔研嶽峯駁極穎蒼危碧峭青方石四
面天劃神剜出入三光憲豁牖欲對脩眉於天姥接五
界於金庭

四明山二百八十峯洞周回一百八十里有四門通
日月星辰山居賦注天台四明相接連四明方石四
面自然開竅沃州天姥山在剡白樂天記南對天台

延祐四明志卷一

九

而華頂赤城列焉北對四明而金庭石鼓介焉沃州
天姥為眉目孫綽遊天台賦落五界而迅征注五縣
之界五縣餘姚鄞句章剡始寧金庭宮在桐柏山會
稽記四明山高峯軼雲連岫蔽日

茲為赤水之天分瑤扉闕而不扃

福地記三十六洞天九曰四明山名丹山赤水之天
上有四門

松晉羨期之儔來宅來燕放悲壺瀛駟虬桀鷲娛翔紫

清山中人兮冠切雲駒皎々兮鴻冥々或滄空而上或履雪而行

韓文公送惠師詩發迹入四明梯空上秋旻少陵詩履穿四明雪謂鄭虔

從逸老以消搖賦二韭與三青景幽棲之至行道義重而貨輕

四明逸老賀知章見李太白集知章自號四明狂客謝靈運山居賦天台桐柏方石太平二韭四明五輿

延祐四明志

卷一

一

諸三菁注韭以菜為名三菁太平之北居山神仙所居宋書山陰孔祐至行通神隱於四明山嘗見山中有數百斛錢視之瓦石不異

珍木嘉草蔓葍粳啗甘嚼芳有果青櫛

陸龜蒙集四明山中有果名青櫛極甘九域志山有四面各產異木不雜

茗十二雷采顧區萌

晁以道詩官有白茶十二雷注四明茶名區音勾

川原出焉練登黛停雲蒸雨降豐我稻秔

南豐廣德湖記源出四明山

其下山土蠶綸繭純紅女織棊交梭吳綾

綸七侯切唐地理志云明州土貢吳綾交梭綾

躡跋躡以攀躡徑沓障之紆縈跋躡即倭參同之伯陽

佇客星之子陵軼埃塹乎區外連飛避而離羣安石卜

之東山謝敷之太平

世說謝敷入太平山中十餘年

延祐四明志卷一

三十一

咫尺可尋也爾乃地載神氣支分脈聯大隱之峰名士

楊適生焉

慶歷五先生大隱楊適其一也

鳴鶴之岫二虞喜荔兆焉

九域志古迹鳴鶴山有虞喜虞荔墳

將與子明霞侶月釣石耕烟諷遠游於穹谷吟考槃於

鳴泉分靈藥之刀圭友造化而飛高圓

九域志夏侯曾先地志云大隱山南入天台北峰峰

四明東足乃謝康樂鍊藥之所
倘有意乎彼謂鰐鮫霧濕之蟠鬱

蔡肇明州謝表鰐鮫霧濕之所蟠鬱
夷隸舸之所
往來

未知有建德之國空同之仙公子曰愚行天下睹終南
嵩岱之高興公登陸徧矣

孫綽字興公遊天台山賦序登陸則有四明天台
先生曰海於天地間最鉅故觀於海者難為水駕言徂

延祐四明志卷一

三

東浩漭滄溟羲和浴於搏桑日杲兮金鉦朝朝夕汐
與月虧盈有鱗如山從以鯢鯨

風俗記海鰐長數千里穴居海底入穴則潮上出穴
則水退

神虬襄昔吐雷噓雲方其駭濤虎浪之興銀峯萬仞雪
屋千層簸空机嶽沃日吞江雷公為之矍踴天杭為之
蕩震叶平盧賦竇志未能該也

唐盧肇海潮賦竇叔蒙海濤志

穆之圖論目擊其真

燕肅字穆之子^知明州著海潮圖論二篇

天外之水灌濟潤澹^七涓^七遠注析木

漢地理志鄆東南有天門木入海有越天門山輿地

廣記象山東門山即越天門山

三吳轉粟祭^七粒玉飢毗印哺檣連尾扁夏舶迅舸蠻
縹^七更琛東泊青微南薄朱垠

陸雲谷車茂安書鄆縣東臨巨海往往無涯汎船長

延祐四明志卷一

三

驅一舉千里北接青徐東洞交廣

登山而望渺^七鷗鷺之浮天根侯五兩以颿^{讀為颿}爰

居戢而激氛

郭璞江賦覘五兩之動靜淮南子注統候風也楚人

謂之五兩統音桓國語爰居海鳥

離題卉服^駢寒^駢貊雞林揚柁東門義鷁江溥爰有狡麋

犀象翠羽火齊蔽水龍鱗之馥郁蠙珠木難之瓌麗杜

揚所未編年文不能計

後魔獅子火齊玫瑰占城薔薇水得自西城龍鱗香
見香譜木難碧珠蘇鷄杜楊編言奇寶辛文計然也

世道家鳥爪切隆如濤降升蓋獻龜於明者治之兆

祥符七年明年獻青毛金文龜

雨毛於鄆者亂之萌

唐五行志神龍二年雨毛於鄆縣占曰邪人進賢人
遁

在昔勾踐疆宇至鄆仰瞻治吳蒲羸之濱曰甬句東決

延祐四明志卷一

二五

口外朔戰爭蟻穴興亡貉丘

越語句踐之地東至於鄆韋昭注今鄆縣是也後漢

書注鄆故城在鄆縣東今奉化象山漢鄆地左傳越

滅吳請使吳王居甬東注句章縣海中洲也吳語云

甬句東注今句章東海內外洲也越語注甬上江句

句章也晉孫恩寇浹口入餘姚破上虞通典云越徙

夫差於甬東韋昭云即句上章東浹口外洲明州東

北到大海浹口七十里輿地廣記定海縣有大浹江

九域志羅城或云越王無諸所築吳語越大夫種曰
吳苻飢其民必移就蒲羸於東海之濱羸即螺
秦政騁欲狼心未滿游鄖踰月從流忘反海水群飛洪
荼於民一瞬為虛鮑車魚罾

陸雲荅車茂安書昔秦始皇前臨終南退燕阿房離
宮別館隨意所居沈綸涇渭飲馬昆明四方竒麗天
下瑯玩無所不有猶以為不知吳會也東觀滄海遂
御六軍南刈狩登稽嶽刻文石身在鄖縣三十餘日

延祐四明志

卷

五

迨漢六葉濯征東粵句章出師命臣韓說

漢武帝代東粵遣橫海將軍韓說出句章浮海自東
方而往

典午末造妖寇鳩張裕以豪英往戍句章

晉孫恩之亂劉牢之東屯上虞使劉裕戍句章孫恩
寇句章牢之擊走之夏侯曾先地志云劉牢之築城
以遏三江口

唐季不綱盜覆此城臣容筒箭獲醜策勲

唐王郢臨明州鎮過使劉臣容以筒箭射郢死拜明
州刺史

想霸諸夏吞六王之雄圖螭舟兕楫射蛟之孤殿
闐闐懽陽侯馘天吳矯七三將如熊如羆電矛雨矢
揃刈攘除威殫勢遷駙入鯢居昆明幾劫桑田半蕪
吾將放其遺躅既堙沒而無餘矣建炎凱獻於高橋
六飛安行於海滢隱士相如捺忠納說何懋賞之謬
七豈亦若新城三老之縲遺

延祐四明志卷一

五

建炎間張俊用隱士劉相如之策留明州遂有高橋
之捷遺音逝

覩千古以永憶澹東坡之無窮誦潛聖之緒言謇七乘
槎其焉從壯魯連之高蹈閔精衛之深衷子好游乎公
子曰水至平端不傾心術如此象聖人成荀子不在險也
請更端以教先生曰海物惟錯雋味崑崙任公垂餌便
嫫榆竿波臣效異鱗萬介千寸鮎腹鱗亭以埒名漢律
獻醬惟遠見珍

漢地理志鄆有鮎埼亭注鮎音結蚌也長一寸廣二分
有小蟹在腹中埼曲岸說文漢律會稽郡獻鮎醬三
斗郭璞江賦瑊鮎腹蟹南越志瑊鮎腹中有蟹子如
揄莢合體共生

蚶菜疲民君嚴奏免

唐孔戣字君嚴明州歲貢淡菜蚶蛤之屬戣以為自
海抵京師道路役夫凡四十三萬人奏罷之

貢鱮骨元豐仁儉

延祐四明志 卷一

二十七

九域志明州土貢烏鱮魚骨五斤

鱈鯨蚌蛤蟹鮓鮠鮓首石齒鋸赤尾比目鱸品類之數
百愉茂安之慘感

車永茂安外甥石季甫見使為鄆令舉豕慘感句章
人說此縣有短狐之疾問陸雲以土地之宜雲荅書
曰鄆縣海物惟錯不可勝名斷過海浦隔截曲隈隨
潮進退采蚌捕魚鱸鮓赤尾鮓齒比目不可紀名鱈
鮓鮓炙蟹鮓蒸石首臙鱈鮓真東海之俊味者膳之

至妙也及其蚌蛤之屬目所希見耳所不聞品類數
百難可盡言當為喜慶勿為慮也

亥市攸聚水族有薄魚韓子之南烹藹鱉蝦與章柱雖
石華海月之詩綺具繡螺之賦弗能殫舉東曉之鰓邪
頭之鮓魚潘國之鮓且甌之蜃珠蟹紫結居怯切其未如
兩鱣魴鱖越數以盈鼓於是擊鮮鼎食羞用膳經嘯父
蝦鯪宣子魚滄陳登之鱠虞悰之鯖芼以秋菘醅以冬
橙掇苔髮以為菽醉螯杯而未醒若乃潤下作醢散鹽

延祐回明志卷一

二

為貴宿沙聲鬻而海王之笑祈望之守昉於齊而征利
說文古者宿沙初作煮海鹽魯連子宿沙瞿子善煮
鹽筴子海王之國謹正鹽筴王去聲晏子曰海之鹽蜃
祈望守之鬻讀為煮字

漢郡設官三十有六會稽則海鹽居一此三縣猶未置
也考諸唐制志劄使有監晏吳晉權法寢以嚴

地理志鄆縣有監劉晏李巽

海瀕稚羞弗能耐音苦淡若作和鬻甘者醯醢音酌醴燔

枯鱗鮓恣啖繇是亭監棋布牢盆歲增負塗山積熬素
雪凝翦竹葦以供煬釋耒耨而肆勤一奉三斛川浮陸
馳

卷俱便切說文囊也今鹽官三斛為一奉也

行商通其價

音

院機其私

劉晏置院捕私

蓋日用飲食不

可以無朝蓋箸裹其功與醢醬俱馬齒水精冰淒霜明

魏太祖賜劉恭馬齒鹽七種

後魏明元賜崔浩水

精戎鹽

延祐四明志卷一

三九

古云食者之將詎屑玉而噉瓊東箭落茁越竹筍萌楊
氏之果染霞垂星鹽音艷為夏槁屏羶撤醒飲高裴之菜
食奚猗氏之足云

後魏高允厨中鹽菜而已裴俠食唯鹽菜柳子晉問
猗氏之鹽晉之大寶也

魚鹽之湊民殷財阜不謂之樂郊邗公子曰海加租而
魚不出鹽額利而人窮怨不聞蕭望之朱文季之言與

漢食貨志後漢朱暉傳

吾冬饘夏麩

立舉切

藜羹不糝味無味夫何

憚願聞所以利民者先生曰先民有夏盡力溝洫魏之

豹起西門豹漢之兒曰白公疏泉灑流沕滴膏澤維鄆

之邑厥壤鹵鹵高原陞下易曠以溢相時鍾洩守宰道

職戎懷休明循良輩出幹造化机卷舒神術有豐無窶

潦霽惟一觀乎句章滅陂之舊内史修復所居民富

晉孔愉為會稽内史句章縣有漢時舊陂毀廢數百

年愉修復故堰溉田二百餘頃

言觀乎南湖曰小江溉田置堰元緯氏王蘭鞠無絕如

延祐四明志卷二

古桐鄉

唐地理志鄆縣南二里有小江湖溉田八百頃開元

中令王元緯置民立祠宇以祠之九域志它山堰王

元緯置後封善政侯

觀乎西南堰曰仲夏頃凡數千雨我多稼築者季友惠

以厚下

唐志鄆縣西南四十里有仲夏堰溉田數千頃大和

六年刺史于季友築

湖有廣德實有西界刺史曰侗增修勿壞
也建埭誰其填闕音利微害大發議請復志不克遂

唐志鄮縣西十二里有廣德湖溉田四百頃貞元九年刺史任侗因故跡增修南豐先生記云湖大五十里曹渠東北入江大歷八年令儲仙舟更今名大中元年刺史李敬方刻石謂湖成三百年矣湖之興其在齊梁之際乎至道元年守丘崇元復之天禧二年李夷庚正湖界起埭十八里限之熙寧元年張岫築

延祐四明志

卷二

三十一

隄九千一百三十四丈為埭二十政和中塞為田高廟時李光泰發請復湖不克行

唐有西湖爰在東郊陸令開廣農殖嘉苗

唐志鄮縣東二十五里有西湖溉田五百頃天寶二年令陸南金開廣之

湖姓以錢亦處東鄙受溪七十二環塘八十里四肺七
隄重治者李

明州東錢湖受七十二溪累石為塘八十里天禧元

年李夷庚重修中有四牖七陂溉田五十四萬畝陂
即堰字

瀉口清渠有統有荒有蒲有藹煙海鴈鳧蓋自晉以來
過川水種既浸既潤民食無憂

方勇切

陸雲蒼車茂安書鄆縣西有大湖廣縱千頃過長川
以為陂燔茂草以為田火耕水種不煩人力決泄任
意高下在心舉錡成雲乍錡成雨既浸既潤隨時代
序官無通滯之穀民無飢乏之慮衣食常充倉庫實

延祐四明志

卷一

三三

介甫鳴弦乃隄乃陂瘠土衍沃遺黎之思

聞見錄王荊公知鄞縣起隄堰決陂塘為水陸之利
也邑人便之公屬民浚渠川見鄞縣經遊記

吏隨以竄棄稷弗務新溝之歌靡聞均水之約莫舉

唐薛大鼎治新溝 漢台信臣作均水約束

剛澮塞而圻危坊音庸圯而涸鮒曩悔一鍾今食二鬴

孰能諗夫愛民者塗之人可以禹公子曰佐耕以水展
也民利思不出位居將有俟欲聞闕大傑特之觀無隱

乎爾先生曰明多名山竺乾氏居之寶地金繩祖花禪
枝南有雪竇東有太白飛瀑淙上曾巒上鑿上大梅之峴
嶠衣荷滄松之詠澹如也玉几之峯嶺神耀得道之銘
炳如也吳市子松風隱居陳蹟故在是邪非歟
大梅禪詩師一池荷葉衣無盡數樹松花食有餘東
坡先生宸奎閣碑銘神耀得道非有師傅見八師子
經大梅山或謂梅子真所隱南史陶弘景詣鄮縣阿
育王塔受五大戒

延祐四明志 卷二

三三

文正之詩大年希白之筆釋子之所夸詡存乎否乎

范文正公送湛公歸四明講席詩滿面南風指四明
山長水曲不勝情自言此去雲林下惟講華嚴報太
平鄴有法智師名禮主天台教聚徒四百楊文公大
年慕其道三以書留之住世錢希白碑其異於塔

雖然著本論者惡其學幼而言隴意者辟世之士晞髮
濯纓岑蔚林密魚潛龜藏思昔山人有徐廣孝經之指
唐藝文志徐浩稱四明山人上廣孝經十卷

王蔣顧三隱席珍韞璞不斲流俗之知己

容齋三筆載李益傳所錄三人王茂剛居林村巖壑
深處刻意讀書尤邃於易慈溪蔣季莊當宣和間鄙
荆舒之學不事科舉閉門窮經高抑崇率一歲四五
訪其廬顧主簿南渡後寓慈溪廉介安貧踐履雖細
事不苟旦起俟賣菜者過門問菜把直幾何隨所言
便酬之它布帛皆然久之人皆信服不忍欺之
璜也自謂似龐蘊僧騰客之該洽故老稱美

延祐四明志

卷一

三四

李璜老於韋布有詩曰此身便是龐居士也更無人
賣笊籬為文用僧騰客事或問為何事曰侯景臺城
事也著白樂天年譜事見玫瑰集

今嵎嵎之下豈無草耕木茹匪黃匪緇蟬蛻藟滓欲往
從之菴且休矣子謂斯何公子曰姑舍是側聞是邦鴻
生碩德所治教也南豐曾子江漢星斗之望收於斯

南豐先生曾子固名鞏守明州脩州城程公賦裁省
費十六

忠肅陳公雪竹霜柏之操貳於師

陳忠肅公瓘瑩中以越州簽判攝倅明州寓居城之
湖西著四明尊堯集

船司空則以道之晁倉庾氏則子約之呂正學參前脩
姱節映終古

景迂先生晁說之以道以元符上書黨人監明州造
船場易玄星紀譜作於甬江官舍舊有祠放翁作記
大愚先生呂祖儉子約監明州苗米倉去倉中淫祠

延祐四明志

卷一

三五

後為太府丞以直言謫死高安謚曰忠

前代今有瑄長史有吉甫未足數也

唐房瑄慈溪令李吉甫明州長史

文獻濡染必有聞而知之者敬在下風先生曰明士鄉
也有越大夫種之英風其人通達而多能

呂氏春秋高誘注大夫文種字會鄞人

有大里黃公之高標其人恬靜而自珍

會稽典錄虞翻仲翔對王朗景興曰鄞大里黃公絜

已暴秦之世高祖即阼不能一致惠帝恭遜出則濟
難輿地志云鄆有大里夏里黃公所居

董子以孝行著愛親者式其儀刑

典錄虞仲翔曰孝子句章董黯盡心色養喪致其哀
單身林野鳥獸歸懷怨親之辱白日報讐海內聞名
昭然光著

任弁以文章進摘藻者襲其芬馨

典錄朱育對濮陽興曰文章之士立言桀盛則御史

延祐四明志卷一

二十六

中丞句章任弁文檄暄若春榮

宏云光脩四士尚義挹其勁操思特立以獨行

典錄虞仲翔曰主簿句章梁宏鄭云皆敦始終之義
引罪免居鄮主簿任光身當白刃濟君於難揚州從
事句章王脩委身受命垂聲來世見吳志虞翻傳注
故虞仲翔以浚異之生為海嶽之精

典錄仲翔曰會稽山有金木鳥獸之殷水有魚鹽珠
蚌之饒海嶽精液善生俊異是以忠臣係踵孝子連

閭

陸士龍因吏民之謹知禮教之明

士龍答車茂安書鄖縣榮辱既明禮節甚備為君甚簡為民亦易吏民恭謹篤慎敬愛官長鞭扑不施聲教風靡

屯艱否閉堙暖湛冥宋以文治賢路恢弘丘樊緼褐化為神纓邑校求師再書延致斯廣川之淵源也

杜醇度歷鄉先生王荆公宰鄆因孔子廟為學再書

延祐四明志

卷一

三

請醇為之師慈令林肇興學亦起醇為師

順昌嬰兒以俞為字斯新息之慈仁也

俞偉字仲寬宰南劍順昌劍人生子多者皆不舉仲寬作戒殺子文召父老使歸勸鄉人活者以千計生子者多以俞為小字也

孝通神明凱風終養斯朱康叔之純誠也

李宗質字文叔濮人文定公之裔所生母展字罹靖康之亂母子相失至江州水南遇展氏於廛中物色

良是別十餘年而奉色養者二十餘年居鄆之石塘
玫瑰先生銘墓誠齋楊公為傳而贊之曰非至孝莫
而通神明非通神明奚而得母

引裾強諫辛毗其直

陳文介公未政和初為正言抗疏言宦官上拂衣起
未褰挽上衣上為少留衣裾脫落上曰碎朕衣矣內
侍請易衣上曰留之以旌直節

鉤黨挂名范滂自出

延祐四明志 卷三

三

周錫范忠宣公之甥陳忠肅公同年進士娶其女弟
入元祐黨籍

臨難盡節解揚之匹

吳從龍奉化人李全之變提孤軍為前鋒馬中流矢
為賊擒賊使偽稱援絕紹秦州開城門從龍至城下
大呼曰馬傷被執非降賊者揚州初不破秦州可死
守賊怒刃交下罵賊不絕口以死詔立廟官其後
石交歲寒之死不渝信義如漢脂習

李猷字嘉仲一字猷夫鄞人建炎初以婦翁沒王事
自京師詣南都行在所見友人陳東少陽上書死猷
為位而哭祭曰吾欲收葬少陽有知其啟我心越一
日得尸又二日得首合而歛之會其鄉人胡中行欲
求護喪併以行李付之猷終肇慶府節推高閣抑崇
志其墓

卻賈胡之賻持玉雪之廉父子如魏胡質

王正己字正之慶厯鄉先生說之後父勲提舉廣南

延祐四明志卷一

三九

市舶一錢之利皆歸有司家人不識舶貨之名及卒
賈胡率錢二百萬為賻正己固却之曰吾父以廉直
聞雖貧旅猶能負喪以歸不媿廉叔度也趙彥通字
德老帥蜀餽遺不入私家將去聚宗室在九縣者分
餉之子箴夫守袁州寶慶中真文忠公入朝上問有
何廉吏以箴夫對詔擢直閣祕與監司亦父子以廉
著者

之人也編典錄而無媿令譽焯乎日星下逮里巷則有

旌閭之揚掌庫之章若兔置中林之好德

紹興間明州民揚慶以孝旌表門閭江休復雜志王
介甫為鄞令訪義夫節婦得三人其一人可米曰童
判子為人掌典庫其家養疏屬數口奉寡姊承順不
違其甥不事家產屢負人債輒為償之不以告姊
茵薨一特之榮華荃茅萬世之淑慝彼鍾黃之竊據郡
乘幾於曲筆

唐紀中和元年鄞賊鍾李文陷明州景福元年明州

延祐四明志卷

甲

刺史鍾李文卒其將黃晟自稱刺史郡志書郡降又不
書其事書晟取其墓銘不書自稱刺史非春秋懲惡之
義

先生言未既公子起而稱曰鄞圃澤多賢衛多君子魯
東海多卿相汝穎多奇士

見列子左傳漢地理志晉周顛傳

居使然也盍語其詳先生曰世族蟬嫣重圭累組位槐
調鼎宅揆惟五袞鉞焜燿乎宗翰衡樞高弁乎該輔牙

蠹畫繡差肩踵武

慶歷中王周始守鄉郡

紫艾紛綸常伯亞旅庠

聲序音洋七邠魯習鄉上齒長少有叙流品別渭淫公

鄉列韋布俎豆秩七章逢楚七

汪大猷字仲嘉冬至元日集鄉士行禮大成殿下退

序拜明倫堂推長者祭酒自齒韋布之列

凡周之士亦世吾州之俗近古春秋二高之說詩禮曹

鄭之詰

高憲敏公闕字抑崇著春秋集註高元之字端叔著

延祐回明志卷一

里

春秋義宗曹粹中著詩解鄭錡字剛中著周禮解義

殊料首登於蓬萊

紹興初立博學宏辭科王壁炳文首中選入館閣

倫魁三冠於龍虎

淳熙戊戌姚穎嘉泰壬戌傳行簡嘉定甲戌表正肅

甫

名茅廡仕多桂膏桐韓之疊矩又有文章授訣孝弟彙

聚

迂齋樓先生昉字場叔以古文訣諸生俞觀能象山
人著孝弟類鑒

瀟山清篇武子妙句

朱翌字新仲以詩名為中書舍人有瀟山集張良臣
字武子有雪意詩

潛虛有辯杜集有注

張漢慈溪人著辯虛見攻媿集卞圜字養直注少陵
集

延祐四明志

卷一

里

家自以為舒向人自以為揚馬茲可以言文獻乎公子
曰嫩則嫩矣然世祿非不朽科舉外有學願識其大者
先生曰故國下車喬木蒼々禮義雨露名節風霜古之
遺直曰豐清敏排姦詆奄僮論廩々託興荷花聞者歛
衽

豐清敏稷字相之為御史中丞入對蔡京於殿陸間
揖稷曰今日必有高論稷正色荅曰行自知之與殿
中侍御史陳師錫共言京姦惡宦官寢盛稷懷唐書

上殿為上讀仇士良傳方教行上曰已諭稷若不聞者讀畢乃止致身常伯累鎮大藩資產終七十畝賦荷花詩有人心正畏暑水面獨搖風蔡京見之曰此人豈肯受我籠絡邪

慶歷師儒燕及孫曾曰樓宣猷斯文統盟有德有言既和且清

樓宣猷鑰字大防慶歷鄉先生郁之曾孫為給事中上疏留彭龜年而去性寬厚好賢樂善知貢舉以文

延祐四明志

卷一

三

猷之傳語真文忠公許以致遠

泗沂絕學闡自閔洛朱張呂子緒承先覺臨川二陸自得於心若異而同為已功深淳熙四儒探願性淵並游三先生之門獨契陸子之心傳

舒文靖璘元質沈端憲煥叔晦楊文元公簡敬仲袁正猷公燮和項平甫廣微朱文公荅項平甫書曰子思以來教人之法惟以尊德性道問學兩事為用力之要子靜所說專是尊德性事而某平日所論却是

問學上多了所以為彼學者多持守可觀又言陸子
靜揚敬仲有為己功夫若能窮理當甚有可觀

處則誦貫以淑艾仕則善教以昌言長庚曉月維揚暨
素七亦有子受業於揚進禮退義家學用光春木苞分
高山仰止人固亡而書存世未遠而道邇顏何人哉希
之則是若昔魯廬江贊名德先賢沛三輔序者舊節士
後有作者孰謂知覺晏而已

隋經集漢光武始詔南陽撰作風俗故沛三輔有者

延祐四明志

卷一

四

舊節士之序魯廬江有名德先賢之贊郡國之書由
是而作

公子肅然改容離席而拜曰廣哉觀乎井畦甕蟻昭然
開明乃知西河俗美以子夏北海風移由康成文藝抑
末歸根六經滌源雖本敬義明誠鄉黨之化漢學是崇
讀書尚友作聖之功闕里近只遵海而東從羣寡分問
涂貫今古分心同

河北東為晉閭濟北為錢塘七述余頗識鄉里故事

欲擬相如久矣年六十始克為之眎黽子十六歲之
作云近年篋中得舊藁不忍棄錄而藏之山川不改
風俗非昔祇以增懷古之一慨云浚儀深寧老人王
伯厚父述

延祐四明志卷一

四

延祐四明志卷一